

地志
36
28

1037
215

1037
215

方志		
湖北省		
長陽縣志		
全	八	冊

長陽縣志

1037
215

道光壬午纂修

長陽縣志

本衙藏板

長陽縣志序

吾邑自漢初迄今千八百餘年歷世
彌文例有方志逮明季流寇蹂躪
可猶在經數十年兵燹遺書煨燼不
得而聞夫康熙癸丑田侯志遠奉
檄修輯邑乘文獻無徵傳聞鮮據於

卷之一

無可藉手中而卓創規模厥功甚偉
乾隆癸酉李侯拔其粗畧淺陋乃
率邑紳續修之屏除改竄量存數條
謂既經筆削無一可存自後田志舊
本遂不復見及觀李志雖頗周詳亦
未免拉雜條教藝文大半出自已作

且事跡多不深考輒以相傳云云乾隆已酉楊侯于果學博才贍以爲蕪陋不足觀倡議續修不果嘉慶丙寅張侯世維復議舉行延先叔麗亭先生司其事於前襄陽送寢僅私輯志稿二卷越庚辰明府朱叔香先生高

才世胄學有淵源下車後卽力舉此事適德遊京華歸以相屬弗敢辭竊慨小邑如古附庸未列冠裳之會無名流往來使山川生色風物騰聲爲可恨耳然土訓道地圖治地事誦訓道方志詔觀事亦惟使來者有考而

已非徒矜華藻也邑乘家勸博則
有貴簡則掛漏其失維均今取舊志
及志稿衷陳添新刪冗補闕參考諸
史各書兼搜通志益之採訪徵武功
志例分地理建置風俗官師人物藝
文雜紀爲七門擬之曰偃山小乘稿

非敢言志也抑德於此轉滋愧焉食

貧居賤老大無成南北走奔隨人作
計懿行不足以式鄉里文藝不足以
博功名才識不足以經時務其無足
爲桑梓重輕也明甚然而齊人言齊
楚人言楚亦自道其隅隙之明已爾

叔香先生長才博識公暇垂簾互相
參考文不尙虛事惟紀實覽者或無
譏焉若夫矜著作講體裁則有當代
宗工鉅手在小子弗敢與聞其同纂
修者弟孝廉人檀樹香明經譚君楚
翹菴李君宗瓚三玉李君楚瀟雲浦

茂才譚君大勳小春皆多學能文
與共相參酌焉稿脫爲志其顛末如
此


道光元年辛巳季春上巳後五日
水居士彭世德厚山氏書於學謹齋



知縣者應知一縣之事必其夙歷歲月能知無不明而措之無不當若奉檄初來四鄉未嘗遍及四民俱未親識卽欲得其大畧舍縣志末由庭棻於庚辰二月十五日履任從事茫然急求舊志已蕩失無存因思此事不修百廢何由漸舉用是首開志局但庭棻官轍浮游家藏墳典未能攜帶且以風塵下吏沉迷簿領恐不足取信

適有邑人彭厚山彭樹香兩賢書公車歸來遂與同志二三君子司其局載離寒暑於是庭棻在任有年矣目見耳聞既有所知日同諸賢參互考訂最後更得漢陽熊映村司鐸茲邑商酌至再計自庚辰秋至壬午秋始勒成書蓋亦非易事矣後來者下車伊始展卷瞭如則是舉也庭棻亦庶幾爲其所當爲而已

道光二年壬午孟秋月知長陽縣事粵西
朱庭棻謹敘



長陽縣志 卷之一 敘

二

長陽縣志目錄

卷一

地理志

星野 疆域 沿革 古蹟 山水 鄉甲

戶口 田賦 物產 蠲卹

卷二

建置志

城郭 公署 學校 倉儲 坊表 壇廟

冢墓 關隘 場市 營汛 舖遞 橋梁

長陽縣志 卷之一 目錄

津渡 塘堰 筒車 水碓 寺觀

卷三

風俗志 附集事詩鑿

禮儀 朝賀 讀法 日月食

土俗 迎春 耕藉 鄉飲酒 燕會

卷四

官師志

職官 名宦

卷五

冠婚 喪祭 歲時 土著

服食 器用 室廬

人物志

選舉 鄉賢 孝友 忠義 隱逸 壽民
列女 方外

卷六

藝文志

傳 序 記 志 表 狀
議 題 跋 銘 箴 說
引 考 賦 詩 詩餘

卷七

長陽縣志 卷之一 目錄

雜紀志

物異 遺聞 兵事 金石 沿誤

地理志序

古者以五等之爵建邦國皆置史官厥後郡與縣亦各有紀乘諸侯寶三莫不首言輿地矣此地本舊荊州域漢隸武陵郡是曰佷山隋始改長陽而至今如故東連宜都西接巴邑南通鶴樂北控東歸其沿革疆域可考而知也夫禹貢紀田賦以致篠簜菌輅龜魚之細周禮職方氏必及於山藪川浸男女畜擾之粗武功志義例則併收故蹟皆闕一而不足爲完書者人第見

長陽縣志

卷之一

地理志序

此鄉井恬熙民物康阜而不知實賴我朝一百八十年以來減則免蔬捐租給賑之

詔史不絕書以有今日故繫之終篇有所歸重也至形勢則舊通志云風扇方山之穴江澄彙水之清郡志云山谷嶮峭清江湍流處重崖之內接不毛之鄉邑舊志云方山擁秀彙水流清臂依鳳山面朝龍洞錄茲數言已盡其大概矣

星野

星野之說昉於周官保章氏蓋必統九州之封域以求其度而後其體乃得而區焉今舉一州一邑以言天非荒則隘耳然而占星分野所以察妖祥示修省長陽雖彈丸亦管窺所不敢遺也爰撮星野大畧於左

十二次之分野鶉尾楚也

周禮注

周史伯曰楚重

黎之後黎為高辛氏火正此鶉尾為楚之分星而荊州之星土也

鄭語

以害鳥帑周楚惡之則

長陽縣志

卷之一 星野

朱鳥之方在周楚之分也

左傳

山南道蓋古荆

梁二州之域漢南郡武陵巴郡漢中南陽及江夏宏農廣漢武都郡地江陵峽歸夔澧朗復郢

襄房為鶉尾

唐書

北斗之分野玉衡者謂斗九星也第四星主荊州常以五卯日候之乙卯為南陽己卯為零陵辛卯為桂陽癸卯為長沙丁卯為武陵凡五郡

漢書注

大別以東至雷澤九江荊州屬衡星

春

秋緯文耀鉤

衡在軫十度半

唐書

五星之分野吳楚之疆候在熒惑占於鳥衡史記

天官書

熒惑主霍山荆州揚州交州後漢書

熒惑主吳楚越以南晉志星紀鶉尾以負南海

其神主於衡山熒惑位焉唐書

干支之分野丙楚寅楚淮南子

二十八宿之分野翼軫荆州史記天官書翼為

關主遠客軫為車主風史記漢書同翼二十二

星主天之樂府星明大禮樂興四夷賓動則

夸使來軫四星豕輔臣也星明則車駕備晉

長陽縣志卷之一 星野

書隋書同

軫星散為荆州春秋元命苞

鶉尾起張十三度費直周易分野

自張十八度至軫十一度曰鶉尾之次於辰在巳

於律為夷則斗建在申楚分野皇甫謐帝王世

紀

初張十二至軫六立秋處暑蔡邕月令章句

鶉尾初張十八度中翼十五度終軫十一度漢書

鶉尾陳卓謂翼軫荆楚也自張十七度至軫十一

度辰在巳南郡入翼十度武陵入軫十度費直

謂起張十三度蔡邕謂起張十二度 晉書

荆及衡陽惟荆州上當天文自張十七度至軫十

一度 隋書

翼軫鶉尾也初張十五度餘千七百九十五抄二

十二太中翼十二度終軫九度自房陵白帝而

東盡漢之南郡江夏東達盧江南部濱彭蠡之

西得長沙武陵又逾南紀盡鬱林合浦之地自

沅湘上流西達黔安之左皆全楚之分自富陽

象龔繡容白廉州已西亦鶉尾之墟古荆楚郡

長陽縣志 卷之一 星野

都羅權巴夔與南方蠻貊之國 唐書

張十六度至軫九度鶉尾之次也湖廣之武昌府

興國州荆州府歸夔陵荆門三州黃州府蘄州

襄陽德安二府安陸沔陽二州皆軫分 明史稿

長陽星分軫度之次 田恩遠原志序

漢志楚自襄陽宜城南漳歷荆州安陸西盡三峽

東盡竟陵皆古南郡地凡入翼十度長陽在東

漢時隸南郡地界三峽之東自是星分翼度然

田序長陽星分軫度之次考晉書州郡縣次武

陵入軫十度長陽在西漢時曾隸武陵則星
又屬軫度查太微垣圖屏四星距西南星去極
八十度入翼十度又唐書荆梁二州之域江陵
峽歸夔澧郢襄諸地爲鶉尾翼軫者鶉尾也夫
峽歸夔澧旣占鶉尾之墟而斯邑適居四域之
中由是以推則星野近軫度之次入翼十度居
屏四星之西南隅或不妄焉

續舊志

按史記鶉尾屬荆州所包甚廣春秋緯大別
以東至荆州屬衡星唐書衡在軫十度半蓋

長陽縣志

卷之一

星野

四

合軫星散爲荆州之說長邑於歷代統屬不
一然總不離乎武陵入軫十度者近是田序
謂星分軫度之次非謬言也大瀛海中雖一
縣如稊米之在太倉而照臨詎或遺哉因條
列以備參考

長陽縣志

凡例

一星野非一邑之專照亦天文所當秘密者然義關修省不容徑遺邑漢晉來所隸各州郡皆荆州部田志謂星分軫度之次與明史入軫七度及聚爲軫星散爲荊州之說合因詳考列史而仍之

一是編門類各以義附凡出地力者悉歸地理如沿革觀疆域之變古蹟曜山川之靈是也凡

長陽縣志卷之一 凡例

資人力者悉歸建置如關隘不入形勝津梁不係水利是也風俗沿於氣習天時人事繫焉必請隨長吏轉移而畧之固矣官師首宗藩人物先選舉尊王制也方外殿人物寺觀殿建置遠彼教也

一是編七門共六十一類每門立大序以晰其本義每類立小序以揭其指歸亦有不用小序者以無關實義卽由大序發凡連類相及從省

文也

一地丁賦役本卷爲一事今照通志例分丁銀
歸戶口分地糧歸田賦而不及役者役出於賦
賦出於田本無異條而

聖朝征徭寧息更可無志

一他志鄉村保甲皆二條長邑多山少平地村
鎮疇零烟戶星散每鄉統村鎮烟戶若干各有
鄉約保正牌甲合鄉村保甲而一之名曰鄉甲
猶是鄉田同井守望相助之遺意也且里至方
名相因附載者一覽周知四境在戶庭矣

長陽縣志

卷之一 凡例

二

一山無形勢水無源流古蹟訛傳皆難示後今
考據諸書加之採訪雖不能盡詳其大而要者
分疏畧備不敢訛以傳訛也

一郡志謂邑阻峒蠻之界接不毛之鄉幾疑石
田無用矣今詳列物產以見生人之日用有自
來而地生之功不容沒也

一忠孝節烈實關風化其通志舊志所登無敢
或遺今搜之敗碣訪之鄉評或由牒舉或由傳
聞不憚詳查亟收所以善善從長也